

大清光緒廿五年

本館新開除禮拜外日日出
本埠外埠均可函致本館取
閱如外埠閱報加寄費不
也除日本從英法德俄美各
借工本從英法德俄美各
刊印各書以待與英法德俄
西人排印工藝甚精所有延
印字大小機器均用精工刊

第五千三百二十二號

報 叻

(號七第牌門口虱巴舊在設開館本)

印工級絕倫並延有文士書
寫各體文字現由上海購到
各種書籍出售其書目另行
刊佈所有各項原摺其有宜
本館所登來札原登其有無
世道人心者附登否亦須無
礙於人而後始錄其有謾罵
成文以及支離費解者概不
登錄嗣後諸君來札尚祈
自諒更須寫實里而後敢
將原稿收回也本館謹白

己亥七月廿一日

大英一千八百九十九年八月十六號拜六 每張售錢五文 每月售銀一元 每日售錢五文 每季售銀三元 每半年售銀六元 每年售銀十二元

招僱花備 ○啓者茲有人託覓花備一名其人須熟悉種植花木等事方能合用又欲僱用園丁一名以上兩人均須不吸洋烟者方合如有欲承斯乏者請至本館面商可也此佈 本館謹白

添請探訪人告白 ○啓者本館近擬添請探訪人一名其人須熟悉本坡各事宜及通方言并須畧諳華文方能合用 諸君願承斯乏請至本館面商可也 本館謹啟

本館告白 ○啓者本報向於每日早晨分送本坡 各寶號有賜閱本報者如有漏送之處懇即前來通知或惠函 示知俾得補呈是幸 本館謹啟

論中國新黨之無用

今中國危險極矣而上之朝廷政治積弊日深不能改革下之官吏恣玩民智日塞莫能開通論者咸歸咎於守舊黨之謬陋迥拘深閉力沮以至於此固矣然嘗默觀而深求之尤有所不概於心者則以中國今之所謂新黨其謬陋與舊黨等亦正難與圖治不得獨咎舊黨也不觀夫東西各國之變法乎當其事出非常易駭聞見往往為舊黨所排遏激而相爭勢同水火殺戮相繼慘酷萬狀卒之遠或數十年近且數年公論大伸新政勃興者誠以其新黨類皆才智通達勇猛英傑之士忠君愛國之心又擊且切前仆後進鬱而愈發用能蕩滌舊污成不世之勳以扶持國家今中國之所謂新黨吾知之矣其上者醉心泰西畧諳新法而於中外之大局古今之得失國勢民情之夷險異同則茫無所知雖曰言變法維新至叩其所以變法所以維新之故非辯言誕妄即枝梧遁飾無有是處次之稍涉西書獵取皮毛三數語時供談助便侈然自命偶一道及輒復鼓舞掉舌貌為慷慨以炫庸眾觀不知恥又次者曾居通商口岸略與東西人往還道聽塗說總記歐亞洲名英俄國號漫語維新而於一切新政變法會未夢見其他無識無知隨波逐流之徒於新之為新舊之為舊與夫新之何益舊之何害都未分曉徒以維新美名世所推重而欲以腥羶之慕逐求末光之倖附一唱百和有如病狂顛倒夢想不復自主深可憐憫求所謂才智通達勇猛英傑忠君愛國擊且切者闕然無聞而顧欲藉以維新變法不亦難哉且新舊之間之必不能洽慳也夫人而知之蓋人情每易於樂終而難於圖始安常習故代所恒有即如東西各國之變法新黨皆有用之材其初猶為舊黨所排遏今中國之所謂新黨其無用乃如彼舊黨即不排遏亦不足以有為於天下況舊黨之眾排遏之力較各國為尤甚而不足有為者又明明授以排遏之隙也夫歲之鹵莽從事終致潰散者夫亦可以鑒矣故吾謂變法維新誠當今之急務而要非今之所謂新黨者所能任有志之士急宜講求開拓器識舉一切新政新法熟精於胸中而泰酌於中外之大局古今之得失國勢民情之夷險異同毋向空談毋竊虛聲必求為才智通達勇猛英傑之士尤復矢之以忠君愛國之心懃懃懇懇百折不撓期與變法維新相終始則至誠所感且有變法維新之一日而中國之危險庶幾其可以安乎

諭旨恭錄

○七月初四日奉 上諭延茂等奏特恭疎防緝犯越獄脫逃旋經拿獲之管獄各官請旨分別懲處一摺監獄重地宜如何小心防犯嚴密看守乃管獄提牢等官漫不經心以致擬絞重犯越獄脫逃雖據報當日拿獲究屬疎於防範管獄官驍騎校雙安著摘去頂戴革職留任提牢官佐領慶連著降一級留任餘著照議辦理該部知道欽此○初六日奉 上諭御史熙順奏散館知縣服闋回省請分別繁簡酌補并六部實缺員外郎請援保中主事例酌量保送截取章程各摺片著吏部議奏欽此○同日奉 上諭巡試北城御史雙壽等奏遵保拿獲鄰境夥劫盜犯出力之摺著吏部議奏併發欽此○同日奉 上諭巡試北城御史雙壽等奏遵保拿獲鄰境夥劫盜犯出力之摺著吏部議奏併發欽此


英打電音 ○本坡實得力太晤士西報接十九日英京來電云頃接不里多利亞電稱打蘭士目總統拘呂巷所覆英藩部占勿連之公文不過畧言現在打蘭士目新增畧權之大概情形至於兩國委員查辦畧權一節則尚未經覆答再查文中所叙則謂外人住居打蘭士目至五年之久則其權力可與本土之人無異又謂該國上議院人員之額以三分之一准由外人充授如此辦理則打國一切內政英再不得

賣出酒密



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧所為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日裡等處其他埠均能運往並此佈聞
大英一千八百九十八年正月一號
光緒廿三年十二月十八日

明嗎也洋行謹啟



賣發酒蜜烏



啟者本行向由英國督辦各種美酒來叻發售久已遐邇馳名茲復由英新辦到顏爾士斗雲字號之狗頭票烏蜜酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈
英一千八百九十八年正月一號
光緒廿三年十二月十八日

明嗎也洋行謹啟


啟者本行向由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至 惠臨購買是幸
大英一千八百九十八年正月一號
光緒廿三年十二月十八日



明嗎也洋行謹啟


啟者本館新到花旗椅五十羅申價甚相宜計分數等每羅申價由十三元至二十五元 諸君有欲採辦者祈到本館觀看可也
大英一千八百九十九年正月十九號
巴越館主啟

售發厨鐵名馳




嘗思養生之道所最要者則惟飲薄其大則惟銀兩然必須有以善藏始無意外此本行鐵厨所以為 諸翁之所共賞也啟者本行所賣之鐵厨久已馳名於東方一帶而於叻坡則聲名尤著至本行購賣此等鐵厨已有三十年之久其製甚為堅固保能避火且其鑰匙甚妙斷非盜賊等所能開計其厨全身均用鐵製成並無雜以木料且諸厨自前至今均為一式堅固耐用有優劣之分至於各厨大小不一而價值則約一百元至四百元凡用之者可保其不礙焚燒即火災亦無所損本行之鐵厨實為叻坡諸華商所喜購而本行每年所沽亦殊不鮮茲特為之錄佈倘臨選購為盼 大英一千八百九十八年正月一號
大清光緒二十三年十二月十八日

諸君有惠顧者祈即玉售
明嗎也洋行謹啟



出品

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠殊殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號
明嗎也洋行謹啟



承頂承明 ○啟者小坡米芝律街門牌第一百六十七號美利興記王梨出水雜貨生理原係鄭欽合柯芝合開創茲因兩人志圖別業願將該號王梨園及雜貨生理以及店底家器全盤拍與榮裕昌號承頂任從承遠經營倘從前美利興記之鄭欽合柯芝合有欠諸寶號以及揭借滙對等情限至一禮拜內可到榮裕昌號取領過期自誤不干承頂人榮裕昌號之事特此聲明以免後論
光緒二十五年七月十九日 榮裕昌號謹啟

退股聲明 ○啟者余陳永良前用昌遠堂號在牛車水大馬路德安號綢衣及打金店所佔之股份經於本月十七日退出彼此兩無干涉日後德安生理盈虧以及一切往來數項均與余昌遠堂陳永良無干特此聲明
光緒貳拾伍年柒月拾玖日 退股人陳永良謹啟

醫道昌明 ○啟者余久患內傷痰火之症已閱年餘中外名醫延請甚眾迄無所效嗣聞源順街源成興號內 昌金鑑先生素精醫學因延診治刀圭甫奏即獲神效治之匝月竟慶霍然神乎先生之技洵可謂三折其肱矣余受 先生之德無以為報爰述數言附登報牘亦聊以誌感荷弗諼之意云爾
光緒廿五年七月初二日 小坡豐隆號沈錦理謹啟

和緩再生 ○儒醫陳紫波先生今之盧扁也品端學粹技擅岐黃客歲賈於叻中寄寓十八間後裕和布店人素仰其醫術多求診治活人甚眾今春家慈偶患癱病失於調治即變奔豚漸而反胃噎膈寒厥諸壞病次第而見中西名醫盡皆束手舉室徬徨聞友人談及先生醫學精純究心靈素久探石室蘭臺之秘而治病尤得長沙心法非承家技曩方書者所能望其肩背余聞是說即求診治 而先生論病如見刀圭數奏即獲奇功今已得慶霍然喜占勿藥信乎先生之技可謂照澈洞垣矣且先生醫品甚端其治病也并不向人苛求惟以博施濟眾為志仁人利溥 先生有焉蓋先生固儒而醫者故非尋常可比也余承 大德報答無從爰畧其醫治家慈一事附錄報中俾求醫者知所趨向而已若云為報則固非先生之志抑亦豈余之志也哉
光緒廿五年七月初九日 十八溪墩萬成順號沈雲石敬頌

嗎也火船開行日期 ○啟者本號茲有新造輪船一艘名曰嗎也堪載萬餘担堅固快捷茲常行定期每逢禮拜二動輪前往文島巨港等埠倘 諸商有欲配貨及搭客者請到利亞美刺實得力門牌第九號即法國西廊郵船公司對面本號相酌便安并有一號二號房位格外潔淨及有大艙位廣闊伙食茶水公司供足價甚相宜特此佈 聞
光緒二十五年七月初七日 福盛號謹啟

多惹 啟者本行現由歐洲多惹士著名工廠寄到所製之頂上白漆發售此等漆料較諸各家所製之極品白漆未嘗稍遜荷蒙英國皇家及素著聲望之製造家并本坡各船澳時常購用莫不盛稱其妙因其物料既精製作既善而價值復廉故也 諸君有欲購買大起者可至本號駐坡代理人巴智申西疊洋行選購如係購買零星者則至本坡中西各索路店均可 諸君光顧請認多惹士字號方不致悞特此佈聞
大英一千八百九十九年六月三號 巴智申西疊公司謹啟

頂上 啟者本行現承歐洲赫赫著名酒廠之命為駐叻代理人售賣知知威實基酒 J. J. White's 此酒每箱十二枝計銀八元二角半 每桶十五牙蘭每牙蘭計銀三元五角 又有頂上售庄葛智里勿蘭威實基酒 Colley Blend Whisky 發售此酒每箱十二枝計銀九元七角半 以上兩項均係歐洲著名美酒氣味香醇濃而不燥且能消暑醒胃解渴除煩係養精神怡悅顏色在於南洋各地常飲此酒更屬相宜 諸君賜顧請移玉駕臨本公司選購可也特此佈告
大英一千八百九十九年六月三號 巴智申西疊公司謹啟

懷珍狀師代理荷蘭認務告白 ○啟者茲有荷蘭狀師懷珍君抵叻在於本坡創設寫字樓與人代理南洋荷屬各地一切案情凡屬地諸君若有案件與荷屬之人交涉者大而命案訟案以至錢債虧逃一切轉轄諸事以及造字訂約等項均能代理請懷君於加勝吧 泗水 三寶瓏 望加錫 巴東等處均有同伴分駐料理凡諸案件可以無庸本人親往質訊即將此案掛砂懷君自能無悞其力與娘打字相同諸君賜教請至末打厘路第六號號門牌相商可也特此佈聞
西一千八百九十九年四月五號 光緒二十五年二月廿五日 集文齋林米達 李長辰同啟


啟者本行有輪船一艘名曰勝迷定於西本月廿五號即華七月二十日抵叻上落客貨訖即展輪往納閩仙那港蘇祿三寶眼怡勞及怡勞宿務及岷飛城等處諸君有欲附貨搭客者請至本行面商便妥特此佈聞
光緒十五年七月初十日
明嗎也洋行謹啟

納憐省不里奧德性命保險公司
啟者茲本協發公司股東鍾存欽現承納憐省不里奧德性命保險公司之命在於本坡代理該公司之年壽保險以及火燭保險等事該公司係於一千八百廿四年創設計集本資一百五十萬磅早已天下馳名諸仕商有欲保其年壽以及火險者移駕臨本公司面商至於保費一切均與各家相同并無苛索特此佈聞
大英一千八百九十九年七月十號
協發公司鍾存欽謹啟

金雞鐵樹補功藥酒
啟者此藥酒由德國皇家大醫生專心博考知有金雞鐵樹產自德國壽如松柏之年採其精華配提神益氣靈芝釀造而成昔年曾經呈送英國法國奧國俄國及天下諸大邦統計由各國皇家大醫士三百餘名考驗獎賜手書共三百餘紙純係稱贊此酒之功而治男女氣弱血虧精神困倦筋骨痠痛不思飲食胃口呆滯頭眩眼花心驚恍惚夜不成寐腎虧失調小便淋瀝如飯湯等症長其發冷瘧症以及婦科月經失調或臨經腹痛病人愈後欠補有疾無疾皆可酌量而飲大能益精補髓更能治陽痿難舉之疾婦人飲之能令溫和子宮養顏肥體永無疾病相侵本局開創經三十餘載歷來不惜資本盡心製煉藥水藥油藥酒丹膏丸散屢試屢驗而德君醫生保赤存心無論內外新奇難症請臨診視藥到春回貧者不過索回藥費概免謝儀倘蒙惠顧祈到本藥房選購自當格外從廉此佈
光緒貳拾伍年七月初四日 新嘉坡土庫街德國神農大藥房謹啟




瑞典國雪車藍標 頂上原庄牛乳發客



啟者本庄所製牛乳悉選取上等原乳製成并不攪雜糖料且復不生蛆蚋此等牛乳係欲備小孩及病人服食蓋其功能健脾潤肺保精養顏所益甚多故其銷場日盛一日即此已可見其乳質之美蓋此等牛乳雖云製熟入乳而用之者性味與新乳無殊諸君有欲取討貨辦及英京化學攷究師忌利非所攷之批并各報稱揚之說者向本行取討便得至可於附近各埠有願代理售賣此庄牛乳者可向本行相商其在本坡零購者可向新嘉坡藥房 利濟藥房 英國大藥房 冥那藥房及俄雜貨店內採購便安特此佈聞
西一千八百九十九年六月七號
獨理代售人墊那路頭第八號門牌浮禮直力下土富洋行謹啟

鐵廚出賣



啟者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極為美善本坡所有西人齊習人以及作椒蜜生理諸華商多向本行沽買以為貯銀之用因本行所沽者均用頂上物料製造而成不惟能壯觀瞻並且異常堅固無論火燒盜劫均可無虞

豐源號

本號輪船往來各埠船期開列如左。在各埠往實日期
由麻六甲往芙蓉每逢禮拜二六日中午十一點鐘開行
由各埠回實叻之日
由麻六甲回芙蓉每逢禮拜二五日上午十點鐘開行
各輪往麻六甲吉隆坡實蘭午等禮拜五日三點鐘行特此佈

貨美價廉莫此為甚倘各君有欲購此廚以收藏重寶者可至本行選閱此佈是幸
英一千八百九十八年正月十三號
丕殺呼谷公司即前加珍洋行啟
在實叻往麻六甲每逢禮拜一五日下午四點鐘開行
由芙蓉往吉隆坡每逢禮拜二六日下午六點鐘開行
由者隆坡回芙蓉每逢禮拜二四日下午四點鐘開行
由麻六甲回實叻每逢禮拜二五日下午四點鐘開行
豐源號謹啟

千預云云但不悉英廷能准其所請否耳同官來電又云英國外府慧買加之團練經向英廷陳請若果英打有事願充前敵等語迭觀電報所
述英國各外藩紛紛報效踴躍如是若果出於至誠則其力亦殊不薄矣

港商辦票 ○近來西江一帶盜患甚狂市渡輪船常遭所劫而陸地復有匪徒打單等事行旅為之不安茲聞香港西報云寓港各西
商近經辦票英國駐京公使言西江一帶盜賊公行觀厥情形諒地方官必不能除其害因請由英自設淺水小兵輪若干梭巡港汶據云如此
辦理則往來該處之行旅安行旅安則港商亦安而西江之上商亦無不與之俱安等詞但不悉英使作何辦理耳

審地無憑 ○前錄澳門葡字報云聞法人擬在西江附近據取一地等情茲又聞法人所欲得者係為深圳地方云云夫深圳一地現
已歸於英國何法猶欲得之但此事在香港之眾尚未得聞想亦子虛之說耳

夫人見客 ○叻督閱制軍之夫人定於後禮拜三即華八月初二日下午四點鐘時在督轅見客預為錄聞

廁宜潔淨 ○本坡工部局之設廁於路中也原欲利便於道路之人但附近廁所一帶居民則深為不便且或糞除稍懈則臭穢逼人
觸其氣者每易釀而成病故前者臬署之後及上庫花園所建之廁雖甚合宜利便於眾然前臬憲頗公以為不合登即飭令毀去而土庫花園
之廁亦經各西人函台搬遷是緣諸人勢力甚大故工部局員不敢不遷然因是之故有事於臬署及洋行等處之人則甚以為不便矣至於各
街道現設之廁則多有失於照料者即如大門內一廁已常覺臭穢逼人檢之費每每乘於廁傍不即搬取故致穢氣蒸騰然則當其事者亦
不可不時往各廁稽查飭役為之整頓庶不至鬧鬧之間蒸而成病是亦未始非潔淨之一端也

聖躬康健 ○海外微臣其恭恭紀曰邇來 皇上龍體漸安六月十九日飭傳醫員門定齋楊際和姚寶生入內請脈所開脈案大畧
謂三焦火盛左眼內白珠有紅絲中氣鬱悶脾弱腎虛遺精四股無力飲食減少藥方則為雲茯苓三錢焦棗仁二錢乾地黃三錢甘菊花一錢
五分竹茹二錢黃實三錢杭白芍二錢淮山藥三錢霜桑葉二錢珠麥冬三錢金石斛三錢炙甘草一錢引用鮮荷葉一角扁豆衣二錢
宮牆數勿 ○皇上自去歲 太后訓政後即退居瀛台近聞是處四圍均砌以高牆外觀頗覺魏魏實不知此牆因何而築都人士雖
不一其詞想不過憑意而揣度耳

忠言動聽 ○山西知縣必大令昌擢于六月十八日召見時面請 皇太后勵精圖治請 皇上力疾親政所有萬壽筵宴及明年
三旬慶典均請舉行 壇廟祀典亦請親詣行禮以繫人心以息浮言大令又奏云 皇太后用人有舉措未當處即如李秉衡諸人知其賢而
不能用又某臬司某京員去年久為人所指摘徒以其工于譎諛遂見擢用恐於 聖明有損奏對數時之久侃侃而談無所避忌樞臣皆為危
懼 皇太后嘉其懇直始終靜聽人皆欽 皇太后之能受直言云

何恩於法 ○聞越南法督擬派轅下差遣之船往北京迎接蘇官保返海防按蘇官保前因法人犯順一役敗法於越南紅河軍威大
震前兩年辦理越南匪事法人感其地方枚平深沐其德法人仰蘇官保之威未始不由是也

領解軍裝 ○金陵南門外製造局本為北洋製造軍裝火藥而開設之始每年造快槍若干枝炮彈鎗九若干磅按季解往北洋各營
應用嗣因津局製造足供北洋軍需遂將南京所製軍裝撥應江省軍營之用邇值北洋講求武備鄭重操防之時津局所造未敷取用前由北
洋大臣裕制軍札飭南京製造局趕緊代辦軍火若干以應急用特委由隸同知戴司馬緒蒞海赴領於二十三日抵密當即投文督轅一俟
軍火領齊即將押解北返矣

奏減罪名 ○字林西報載云兩江督憲劉制軍已力為革道沈敦和奏輕罪名聞已改為遣戍三年而此三年中沈將赴蒙古為某統
兵大員司辦筆札因該大員與制台有舊云

橫濱大火 ○初七日橫濱大火焚去屋宇萬間戲園五所教堂一所書院一所捕房一間驛務分局一間和界幸免當時西南風甚猛
水喉於八點鐘已閉候至十點乃得開放以故焚燒甚夥云

朝鮮近事 ○朝鮮國王發出新令云無論大小官員以及士庶人等仍着長袖圓領不得違悞聞有大員二十餘人不遵此令故一律
罷退又云朝鮮將平陽等四海口准各國人通商

鷺島秋痕 ○聞臬周子迪廉訪自六月初二日接篆後本擬馳赴廈門商辦事件旋忽中止查係洋人因鷺江時疫盛行酷暑方熾不
肯偕來之故未知何時始定期也○廈門關帝廟前某綢緞莊向以滌私為事巨萬家資因而暴發前吳觀察蒞廈時偵拿到案判罰一萬五
千金之鉅近日故習復萌六月中旬又被港仔口卡員線獲本款認真利罰該莊急託何姓門丁賄通上下約需二千餘金壓制委員硬將所拿
各貨飭令交還事竟獲寢傳曰國家之敗由官邪也官之失德寵賂彰也破例肥私至於此極釐局其將何從起色耶○六月廿五夜有某女子
由同安縣搭小輪到廈換履雙槳船至柴橋道頭因隨身帶有首飾銀錢約數千金竟被舵工強搶一空女以孤掌難鳴莫可奈何直至登岸之
後始敢大聲喊救然船已去遠惟有望江號哭而已

剿鄉紀聞 ○羅路圍頭沙羅姓與上洲沙羅姓人械鬥羅姓人傷斃安靖兩營勇以致釀成巨禍旋經大兵壓境對村劃辦初九日已上情形均詳前報茲又查悉頭沙乃該處地方總名羅姓人分九處聚族而居故鄉人呼曰九羅此次乃高墩羅族與謝姓人爭地建廟是為墩為啓幹之由而鄰鄉羅族或有相帮也劉淵亭軍門奉徵調往之福軍先後共三營於初九日抵鄉會司南海縣楊明府暨鄧惠霖副戎崇環浦都戎所統之安勇大家登岸直逼前安營駐紮相繼進剿初十日官兵分隊往高墩村東頭村夾路圍攻迫兵入鄉寺羅族人已逃走一空僅由兩村追獲羅姓人十餘名當場縛縛就地正去高墩有婦某氏向前將一犯糾纏不釋想必其夫或子似此情形殊可慘痛官兵斥之不遂喝令將氏一併拘拿隨將兩村屋宇拆卸焚燬曠道左火縱平原舊時屋宇一旦變為瓦礫之場亡身及家伊誰之咎其鄰鄉之羅族人恐有拖連亦經逃走八九淮婦女初以為不妨是日睹此情形始倉皇奔避哭聲載道骨肉流離耳不忍聞有婦女數人逃至中途恐官兵禽戮復投塘以死其逃匿無踪者亦不少十一日官兵又往圍南庄鄉羅族將房屋拆燬無存逃出之婦孺哭泣慘絕緒釋於途不知投宿何所此初十一連日官兵剿辦之情形也竊謂王者用兵恩威並用肇事抗官之匪固當斬首伏誅若無知之婦女及被牽連之人實宜法外行仁為之保護庶使無罪者不至喪家亡身含冤莫雪也體上天之仁愛代 朝廷之恩適其在將官嚴諭部下分別良歹乎

赴水獲救 ○寶輪船於二十早由三寶龍抵叻據其司舟所報十七日有火夫一名跳赴水中即命停輪撈救幸得將其拯獲云云所報如斯其詳當俟續采

臬署將開 ○西九月五號即華八月朔日禮拜二為臬署本年第五次決獄之期現由巡理府上詳之案已有十八起尚有數天後再將案目登錄以聞

命案疑兇 ○十九日暗牌捕房派有五百一十八號五百三十六號六百一十一號三暗牌華差往丹戎隅地方廿廿公內兜拿捕魚金門人呂盾及呂士等六名押回差館事因前報去月廿九夜穆拉油人心靈及伊叔名力及沙禮三人被入刃傷斃命之案疑屬諸呂所為後經暗牌總差查問一次將二呂扣留餘四人開釋現二呂尚未送案以俟細查

盜淫兩命 ○二十日友人由峇株巴葛來叻述稱該處永平港有潮人劉某向植椒蜜為生月之十六夜同籍人某甲潛入劉園盜摘胡椒為劉撞破急前捕拿甲與之鬪不意被劉木棒鐵尖刺破腎囊負創出走詎不數武受傷過重倒斃園前現劉已被國家拘獲押向未訊問○同夜該港有潮人許某其妻李氏被同籍人陳某拐誘乘夜作紅拂私奔同僱三板小舟順流而下欲到帆加蘭碼頭附搭輪船出叻不意其事早洩被許知覺特僱三板隨後追趕迨至半海將次追及詎陳見許追至即跳下水中意欲洩逃不意陳不識水性立時溺死後許夫妻亦為國家拿獲候訊

府案例登 ○二十日巡理府提訊慈民申什貨洋行司事人請票拘獲潮人許敬賢據稱許於西四月間騙去金鍊一條值銀九十元聲稱携回細閱數月來不知潛匿何處迨後兩次相遇許均以善言推宕至十九日上午十點鐘再與許遇因呼第四百八十三號及第四百九十二號兩暗牌差拘伊送案云云府尊訊問一次限廿七日兩太守再鞠許覓人署保五百元在外候訊○第四百八十八號暗牌差控稱月之十一夜兩點鐘時看見閩人張水手持工部局街道上所設自來水銅管一具向之查問張竟言語支吾將伊逮案云云張申訴甚詳府尊以其中有不盡不實之處罰張入獄兩月○第六百一十一號暗牌華差潮人林順更控告同籍人陳連喜鄭裕欽一案據供十九日在福南街欲查振脚一包疑屬盜匪被陳呼其黨人六名行兇毆打余急鳴號集伴時有第四百八十三號及五百廿一號兩暗牌差趕到只將陳鄭二人執獲餘已逃走云云府尊展限廿七日再訊○第七號二畫差控稱伊在雙口鼎地方差館當差十九夜三點半鐘出往各轄巡查行至下力山打路傍看見路中有烏布甚多并有數人在該處搬取余知為盜近前拘獲閩人陳八一名餘俱走散不獲後查知失主為潮人辜金意所設致和號築坊之物呼辜到來認明原莊據辜稱被陳等偷去烏布一百零五疋值銀二百一十元幸得原莊查獲將陳送案府尊提訊一次限至念七日再訊○施排捕捕房總差清傳訊票控告馬車夫穆拉油人勞勝據稱十一日看見勞勝駕駛出稅馬車往來東陵地方加鞭任馬狂奔馳過猛有違例禁云云府尊判罰勞勝銀二十五元○一號捕房二號四畫差請傳訊票控告潮人林永等三名據供諸人所用實勝越有孔禁錮獲咎府尊判罰林永等三人銀各五元○梧槽差館總差請傳訊票計十餘起控告伊轄下閩潮兩籍之人所開飯店或牌照過期或未給牌據等情妹申謀偷去金器銀項值銀九千元一案二十日陳氏自投府尊案前聲稱不願控告氏之子女求將原案水消府尊准其所請將金龍金頑亞妹三人省釋案乃注銷○前報大鬧鴉詠園閩人李昆玉被人毆打請票同二十二號一畫差往牛車水戲園街平月娼寮拘人不意該差被該寮婦陳亞好及妓女羅成貴阻住并撕破褲票後為該差具控陳羅二婦於案府尊判罰陳氏銀五十元羅氏銀廿五元○前報第二百三十一號及四百八十七號兩暗牌華差在十八溪嘴港中大船船查獲椰渣廿七包石藤三担將閩人吳教友及紀隆二人拘獲送案府尊提訊吳紀二人前曾犯盜案多次判罰吳紀各兩個月監禁該貨充公

京報選錄 ○山東道監察御史臣張荷鶴跪 奏為監司大員卑劣貪婪濫名狼藉謹據實糾恭請 旨飭下江南查辦事件大臣一

併查游恭摺仰祈 聖鑒事竊臣聞近時吏治凋敝莫如江南而江南官聲之劣則以現署江甯藩司本任鹽道胡家楨為尤甚查胡家楨本前
任順天府尹胡燏棻之胞弟用官籍貫其兄弟各異其規避取巧詭譎不正已在茲仕之初胡家楨向為江都縣知縣未幾陞刑名幕友即以遊幕
省分為服官省分顯干刑禁自便營私性好治遊黃置姬妾在滬常差即取馮伎王佩蘭為妾在揚州當差即取揚伎小壓仔小金仔為妾迨補
授江甯鹽運道即在江甯私置房產上年夥匪奸商販米出洋以致災民不服釀成命案之案又私買鄂岸大鹽票兩張營運謀利其子數
人寄散在安徽江西分銷鹽局中充當委員濫支薪水總辦江南鹽務五六年之久毫無成效糜費無數去冬復將所辦鹽廠賣銀十一萬兩聲
言彌補局中虧空實皆吞蝕入己去年七月在藩司任內自慶六十壽辰廣收屬員饋贈委署一切皆恣求賄賂不恤一言似此卑劣貪婪劣聲
昭著之員若令其久任藩司何以肅官常而資表率相應請 旨飭下江南查辦事件大臣秉公密查從重懲治庶奸邪知所儆懼而吏治日有
匡否矣臣為登叙官方包見是否有當謹恭摺具陳伏乞 皇太后 皇上聖鑒 奏○欽憲剛遵 旨查覆江南鹽運道胡家楨案摺 奴才
剛毅跪 奏為查明江南鹽運道胡家楨被參各款實復陳仰祈 聖鑒事竊奴才於四月十八日請訓後准軍機大臣面交本日奉
上諭有人奏監司大員卑劣貪婪聲名狼藉據實糾參一摺據稱署江甯藩司本任鹽運道胡家楨為胡燏棻胞弟兄弟異籍並在遊幕省分
眼官顯干例禁性好台游廣置姬妾在江甯置買房產夥匪奸商販米出洋私買鄂岸鹽票總辦江南鹽務毫無成效復將鹽廠轉賣洋人得銀
鉅萬在藩司任內廣收屬員饋贈請飭查辦等語著剛毅確切查明據實參辦原摺著鈔給閱看將此諭令知之欽此奴才行抵江甯以該道在
江南服官有年非各兩江總督不足以昭核實且即逐款查奪並札飭江蘇候補道沈瑜慶嚴密查訪復經奴才調卷詳細覆覈謹將指參各款
為 皇太后 皇上縷晰陳之如原奏內稱胡家楨本前任順天府尹胡燏棻胞弟胡燏棻寄籍安徽泗州係因咸豐年間髮逆竄入蕭山縣
山縣司治二年報捐鹽大使分發兩淮祠由過班知縣升今職並寄籍也省其胞弟胡燏棻寄籍安徽泗州係因咸豐年間髮逆竄入蕭山縣
全家失散依其堂伯胡樂酒教讀為主維時樂酒入籍安徽泗州取進附生已有三十餘年燏棻遂由伊堂伯寄籍泗州中式舉人進士並聲明
原籍浙江蕭山縣有案可稽光緒二十年經御史張仲忻奏泰兄弟異籍由侍郎王文錦查明覆奏奉 旨知道了欽此此案業經奏明尚無
不合原奏胡家楨為江都縣丞傳燧刑名幕友以游幕省分為服官省分一節查宋傳燧署理江都縣知縣係在同治二年胡家楨之父胡豫會
為其幕友維持該道年甫踰冠隨侍在署並無充縣署刑名幕友之事原奏胡家楨補授鹽運道即在江甯私置房產一節查該道前因開辦鹽
務稟經兩江總督准將鹽運道所管公款內暫借銀十萬兩勻撥各錢店生息以濟經費嗣有江義和錢店於上年倒閉欠繳公款銀一萬兩以
大功坊江義和本店房屋一所又永興同皮貨店房屋一所抵押銀四千兩俟該店售賣還款方能付還契據原稟置產或即因此訛傳此外查
無購買房產實據原稟胡家楨通折夥奸商販米出洋以致災民不服釀成搶米之案一節查江甯上年五月六月間米價騰貴游民藉端搶米
經該道截留漢口米六千石又陸續採辦六萬餘石設局平糶地方賴以安靖事屬共見有册可稽並無夥通販米之事 此稿未完

謝敬照登 ○炎海鍾靈既無建白冷官守拙率荷垂青正期勉盡初心克暢通商惠工乎異域詎料頓遭大故永懷感慕雲親舍於終天
既已痛抱皇魚心窮倦鳥承 諸君眷念錫頌宏施或賜賻題或臨弔唁足使光增幽壤感及歿存茲者星奔戒道草屨瀕行復叨 雅意殷
拳華章贈頌或流連馬首或琴送船聲無非 諸君之阿好傾忱盛情惜別也嗟乎執手一去極長天秋水之遐思翹首七洲重厚我故人之深
意不另具柬祇此申陳敬上 兼辭用宣謝啟 光緒二十五年七月二十一日 劉玉麟稽首

授受聲明 ○啓者本車水第四十二號門牌評香樓原係羅芬譚炳南蔡老三合夥同創茲蔡老三志圖別業願將其自己在評香樓
所得之股份頂與羅芬譚炳南二人承受定於本月廿二日交易倘蔡老三有與人往來數項均由蔡老三自理與評香樓無干而評香樓他日
生理盈虧亦與蔡老三無涉特此聲明免滋後論 光緒貳拾伍年柒月貳拾壹日 評香樓謹啟

起逐狂犬 ○啟者余以商場濶跡立志經營加以上有嚴親久承庭訓雖未敢自矜謹慎恒於清夜時思穿過保重微名以仰副高堂
諄諄教誨之至意豈意近有小人平地風波空中樓閣謂余眠花折柳納妓帶娼以作小星暗藏友室似此雷蛇添足樹犬橫噬于何仇生此
謗語究之鬼蜮伎倆豈能為余累耶本欲啞忍無言莫奈情關名氣有碍家聲不得不藉登報紙破其毀謗俾聽者知其虛偽則余心可以昭然
矣特此佈聞 光緒廿五年七月廿一日 新嘉坡黃廣興號啟

聲明告白 ○敬啓者我眾米商公議自出字通知日為始此後凡交易糖米各貨項每佰元另準配使銅鋪拾三元屆期銅鋪有便則
銀鋪兩清荷願還銀折鋪每佰元準扣鋪水二元二角五分倘遇銅鋪未便發給本號鋪單子限十天為期期內另準還鋪荷不還鋪願還銀元
每佰元亦準扣鋪水二元二角五分倘後鋪水或有漲跌再行集議公道之價倘期內鋪尚未便另寬期三天鋪單須還銀元不得扣水亦不得
再有逾期拖延此例經集眾妥議唯願一律通行庶幾利益均沾實有厚望焉

大清光緒廿五年七月二十日 大英一千八百九十九年八月廿五號 暹羅郊吊橋頭泉米商公啓

暹羅郊吊橋頭泉米商公啓

暹羅郊吊橋頭泉米商公啓

暹羅郊吊橋頭泉米商公啓

暹羅郊吊橋頭泉米商公啓

暹羅郊吊橋頭泉米商公啓

暹羅郊吊橋頭泉米商公啓

暹羅郊吊橋頭泉米商公啓

暹羅郊吊橋頭泉米商公啓

暹羅郊吊橋頭泉米商公啓

暹羅郊吊橋頭泉米商公啓

暹羅郊吊橋頭泉米商公啓

暹羅郊吊橋頭泉米商公啓

暹羅郊吊橋頭泉米商公啓

暹羅郊吊橋頭泉米商公啓